

JISMONIY TARBIYA FANI DARSLARI ORQALI O'QITUVCHILARNI SPORTGA BO'LGAN QIZIQISHLARINI SHAKLLANTIRISH YO'LLARI

Pulatov Jamshid Abdumadzhitovich,

*Jismoniy tarbiya va sport bo'yicha mutaxassislarini qayta tayyorlash va malakasini
oshirish instituti kafedra mudiri*

Annotatsiya: Ushbu maqolada jismoniy tarbiya fani o'qituvchisining dars jarayonlarini tashkil etishida pedagogik kasbiy kompetensiyasi va mahorati, kreativligi, bola shaxsining yosh davrlari asosida psixofiziologik yondoshuvi, dars jarayonlarida psixotrening mashg'ulotlarini qo'llash orqali jismoniy, psixologik sifatlarini rivojlantirishga doir ma'lumotlar keltirilgan.

Kalit so'zlar: motiv, psixofiziologik xususiyatlar, psixotrening, jismoniy sifatlar, kasbiy kompetensiyasi, sportga yo'nalanlik.

ПУТИ ФОРМИРОВАНИЯ ИНТЕРЕСА К СПОРТУ У УЧИТЕЛЕЙ ЧЕРЕЗ УРОКИ ПО ФИЗИЧЕСКОЙ КУЛЬТУРЕ

Пулатов Жамишид Абдулмаджитович

*Институт переподготовки и повышения квалификации специалистов по
физической культуре и спорту заведующий кафедры*

Аннотация: В данной статье представлена информация о профессиональной компетентности, мастерстве и креативности учителя физической культуры в организации образовательного процесса, а также о психофизиологическом подходе на основе возрастных периодов личности ребёнка, развитии физических, психологических качеств с помощью применении психотренингов на уроках по физической культуре.

Ключевые слова: мотив, психофизиологические особенности, психотренинг, физические качества, профессиональная компетенция, спортивная направленность

WAYS TO FROM INTEREST IN SPORTS AMONG TEACHERS THROUGH PHYSICAL EDUCATION LESSONS

Pulatov Jamshid Abdumadzhitovich,

*Institute for Retraining and Advanced Training of Specialists in Physical Culture and
Sports head of department*

Abstract. This article includes information on the development of physical and psychological qualities of the physical culture teacher on the basis of pedagogical professional competence and skills, creative approach, psychophysiological coexistence of the child on the basis of age periods, the use of psychotraumatic signs during the lesson.

Key words: motive, psychophysiological features, psycho training, physical qualities, professional competence, sports orientation.

Bugungi kunda sportchi shaxsiga nisbatan e'tibor va talablar majmuida bolalar sportidagi iqtidor va malakalarni saralash nazariyasining yuzaga chiqarishga alohida urg'u berilmoxda. Bolalarni sportga saralash nazariyasining boshlanish davri 60-yillar o'rtalarida Rossiya va chet mamlakatlarda boshlanganligiga qaramasdan, bugungi kunda eng dolzarb muammolar qatorida o'rinn olgan. Bolalarni sportga bo'lgan qiziqishlarini shakllantirish muammolari doimiy izlanish orqali mukammallashtirish va davomiy tadqiqotlar olib borishni taqazo etadi. Maktablarda sportga bo'lgan qiziqishlarini shakllantirish, bo'lajak natijalarni prognozlashtirish metodlarining ilmiy asoslanganligi, bolalar sportidan boshlab

yuqori natijalar sportiga qadar muhim va ajralmas bosqich sanaladi. Bolalarning sportdagi boshlang‘ich natijalaridan qoniqish hissi sport turini to‘g‘ri tanlanganligi bilan to‘g‘ri proporsionaldir. Shu sababli ham o‘quvchi motivatsiyalash borasida ilgari o‘rnatilgan va shakllantirilgan doimiy qo‘llab- quvvatlash, ya’ni uni doimiy ravishda g‘alaba qozonishga, izchil ravishda o‘sib borishga, takomillashishga, rivojlanishga da’vat etishnihoyatda muhimdir.

Sportga oid motivlarning samaradorligini o‘stirishga o‘quvchi erishgan yutuqlarni ijobiy baholash, rag‘batlantirish ham yaxshi yordam beradi. Maktablarda yaxshi sport natijalariga ega bo‘lgan o‘quvchilarning fotosuratlarini, rekordlar jadvalini musobaqalar davridagi tabrikлarni ifodalovchi tezkor plakatlarni amaliyotda joriy etish ham o‘quvchilar jamoasida sportga bo‘lgan qiziqishlarni oshirishga turtki bo‘lib xizmat qiladi.

Motiv va motivatsiya bilan bog‘liq muammolar mamlakatimiz va xorij psixolog olimlar E.G‘oziev, V.Karimova, G‘.Shoumarov, O.Hayitov, N.Safoev, P.Ergashev, E.Torndayk, U.Makdaugoll, U.Kennedi, G.Vilkot, S.Tompson, G.Xannikatt, R. Vudvords, J.Bruner, E.Keyron, D.Atkinson, A.Maslou, G.Ollport, K.Rodgers, G.Xekxauzen, G.Kelli, V.Vundt, Dj.Rotter, E.Levald, G.Rozenfeld, G.Xoll, K.Madsen tadqiqotlarida o‘z ifodasini topdi.

S.L.Rubinshteyn motivning psixologik mohiyati to‘g‘risida “motivatsiya - bu psixika orqali hosil bo‘ladigan insonni harakatga undovchi sabablar majmuasidir; motiv - insonni u yoki bu harakatga undovchi kuchdir”. S.L.Rubinshteyn motivni “u yoki bu mayl, zaruriyat, qiziqish inson uchun maqsad bilan munosabatdoshlikda harakat motiviga aylanadi”, deb tushuntiradi. Umumta’lim maktablarida jismoniy tarbiya darslarida o‘qituvchining dars jarayonlarini tashkil etishda avvalo o‘quvchining jismoniy tarbiya va sportga bo‘lgan tasavvur, bilim, qiziqishini aniqlashi va shunga asoslangan bilim berish texnologiyasini ishlab chiqishi lozim. Shaxs yo‘naltirilganligi uning qiziqishlarida, e’tiqodi va dunyoqarashida nomoyon buladi. Qiziqish biron- soxada to‘g‘ri mo‘jal olishga, yangi faktlar bilan tanishishga, voqeliqni ancha to‘la va cho‘qur aks ettirishaga yordam beradigan motividir. Qiziqishlar bilishning doimiy qo‘zg‘atuvchi mexanizmi sifatida nomoyon bo‘ladi. Qiziqishlar mazmuniga, maqsadiga, miqyosi va barqarorligiga qarab belgilanadi.

Jismoniy tarbiya fani o‘qituvchisining an‘anaviy tamoyillariga ko‘ra rag‘batlantirishga katta ahamiyat berib kelingan. Bu usullar insonni biror bir faoliyatga da’vat etishdagi eng keng tarqalgan usullar hisoblanadi, ayniqsa bu, kishidan o‘zining bor imkoniyatlarini namoyon etishni talab qiluvchi sportda yanada yaqqolroq namoyon bo‘ladi. Rag‘batlantirishning samaradorligi ularning adolatlilikida, kuchi o‘z vaqtida amalga oshirilishi shaklida, shuningdek o‘quvchi hamda o‘qituvchining individual hususiyatlarida, boshqaruva usuli va hokazolarda namoyon bo‘ladi. Rag‘batlantirishni samarali ravishda muvofiqlashtirish nihoyatda muhim bo‘lib, bunda albatta rag‘batlantirishlar soni ko‘proq bo‘lishini talab etadi. O‘quvchini sifatlari mashg‘ulot o‘tkazishini talab qilish asosida, o‘qituvchilar aksariyat hollarda judayam qattiqqo‘llik qilib yuboradilar. Biroq bu o‘qituvchilar har kuni va hamisha bir xilda talabchan va qattiqqo‘l bo‘lishlari kerak, degani emas. Jazolash ham yaxshi rag‘bat, lekin sportda ko‘pincha rag‘batlantirishning o‘rni yuqoriqoqdir, zero rag‘batlantirish o‘quvchining quadrati motividir.

O‘quv jarayonida rag‘batlantirish va jazolashning ahamiyati borasidagi fikrlar U.Kennedi va G.Vilkottlarning “Rag‘batlantirish va jazolash- mayl uyg‘otuvchi motivlar sifatida” nomli maqolasida keltiriladi. Bu maqolada turli maxsus guruqlar va sinflar bolalari hamda normal va qoloq o‘quvchilar xususida fikr yuritilgan. O‘quvchilar turli topshiriqlarni qanday bajarganliklari o‘rganilgan. Yuqoridagi fikrlarga asosan shuni e’tirof etish mumkinki, tadqiqot natijalarida qarama-qarshilik kuzatiladi, ya’ni ba’zi mualliflar maqtov va rag‘batlantirishni kuchli moyillik uyg‘otuvchi kuch deyishsa, boshqalari jazolash maqtovga nisbatan kuchliroq ta’sir etuvchi omil, deb hisoblaydilar. Oddiygina so‘z bilan aytganda rag‘batlantirish ham o‘quvchiga kerakli daldani berishi mumkin.

Jismoniy tarbiya fani o‘qituvchilari dars jarayonlarini ko‘zatishlarida o‘quvchilarni avvalo jismoniy qobiliyatlarini nazarda tutishlari muhim sanaladi, bu esa qituvchilarni sportga bo‘lgan qiziqishlarini shakllantirish uchun muhim to‘rki bo‘ladi. O. I. Skoroxodova so‘zlariga ko‘ra “Qobiliyatarning sifat jihatidan xarakteristikasi insonga mehnat faoliyatining qaysi sohasida (konstrukturlik, pedagogik, iqtisodchilik, sport va boshqalar) osonlik bilan o‘zini topa oladi, katta yutuqlarga va muvaffaqiyatlarga erishadi” degan fikri orqali shaxsdagi qobiliyatlarning sifat xarakteristikasi ularga miqdoriy xarakteristikasiga uzviy bog‘liq ekan degan xulosani beradi.

Qobiliyat - belgilangan faoliyatga nisbatan shartli ehtiyoj, faoliyat bilan bog‘liq vazifalar uchun zarur bo‘lgan bilim, ko‘nikma va malakalarni tez egallash natijasidagi samaradorlikdir. Sport iqtidori - organizmning anatomik-fizologik xususiyatlari bo‘yicha jismoniy harakatni oson bajara olish orqali samaradorlikka erishish yo‘lida faoliyatga yo‘naltirilgan qibiliyatlar birikmasidir. Sportga yo‘naltirish - o‘quvchining ma’lum bir sport turi bilan shug‘ullanishiga yo‘naltirilgan, uning qiziqishi, bo‘lajak sport mashg‘ulotlaridan qoniqishini prognozlashtirish kabi tadbirlar tizimidir.

Jismoniy tarbiya va sport ommaviyligini rivojlantirish vazifasi mumkin qadar ko‘proq bolalarni ushbu faoliyatga muntazam jalb qilinishi bilan bog‘liq. Bir qator mualliflar fikrlariga tayanadigan bo‘lsak, maktablarining boshlang‘ich sinfga moslashish bosqichi vazifalari qatorida o‘quvchilarning sog‘ligini mustahkamlash, jismoniy rivojlanish darajasini oshirish, ahloqiy burch va irodaviy sifatlarni tarbiyalashga qaratilgan masalalarning ham belgilanishi muhim ahamiyat kasb etadi. Aksariyat maktablarda, aynan boshlang‘ich sinflarda 10- 20% gacha o‘quvchilar moslasha olmasligi aniqlangan. Past samaradorlik sabablari sifatida o‘quv-mashg‘ulot jarayonining tashkillanishidagi ba’zi yo‘l qo‘yilgan xatolar va umuman tarbiyaviy, targ‘ibot ishlarning sustligi kuzatilgan. Chunki boshlang‘ich sinflarda bolalarning yosh xususiyatlarida uyin faoliyati ustun bo‘ladi shu nuqtaiy nazardan dars soati 45 daqiqa o‘tirishni o‘zi ularda zerikish va charchoqni keltirib chiqaradi. Bu vaziyatlarni oldini olishda albatta boshlang‘ich sinf o‘qituvchilardan ham psixologik, jismoniy tarbiya bo‘yicha bilim, ko‘nikma va malakalar talab qilinadi. Dars jarayonlarida 10-15 daqiqa mo‘ljallangan yengil mashqlarni o‘tkazish ularni qo‘l matorikasi, umurqa rivojlanishi uchun zaruriy jismoniy mashqlarni qo‘llashlari lozim bo‘ladi. Jismoniy tarbiya fani o‘qituvchilarning fikrlaricha ayrim sabablarga ko‘ra jismoniy tarbiya faniga kirmaydigan o‘quvchilarning aksariyat qismi sportga bo‘lgan qiziqishlarini yo‘qligi sababli yuz berishini ta’kidlaganlar. Bu esa o‘z navbatida boshlang‘ich sinflarda jismoniy tarbiya darslariga chuqur e’tibor qaratish lozimligini anglatmoqda.

Shu bilan birga umumta’lim maktablarning boshlang‘ich (1-4 sinf) mifik yoshdagi bolalar o‘zlarining hohish-istikclarini imkoniyatlarini ob’ektiv baholashga qodir emasliklari ham aniqlangan.

Jismoniy tarbiya darslari orqali keng jamoatchilik orasida sport faoliyatiga doir maxsus bilimlarni ommalashtirish, bolalar qiziqishlarini shakllantirishga yo‘naltirilgan ishlar bo‘yicha targ‘ibot tashviqot tadbirlar, psixotreninglarni o‘tkazish ham samarali yo‘l bo‘lib xizmat qiladi.

Sport faoliyatida psixologik trening - psixologik amaliyotning keng tarqalgan shakllaridan biri bo‘lib kelmoqda. Trening o‘zining o‘sishi bilan psixologiyaning amaliy sohasida o‘zgacha o‘rin tutadi. Trening termini (ingliz tilidan kelib chiqqan bo‘lib, train, training) ko‘plab ma’nolarga ya’ni: o‘qitmok, tarbiyalamok, (trenirovka) mashq qilmoq kabi ma’nolarga ega.

G.A. Kovalevning fikricha psixologik trening – majmuaviy ijtimoiy didaktik yo‘nalish sifatida faol ijtimoiy-psixologik o‘qitish metodlaridir. B.D. Parigin guruhiy maslahat metodlarini umuman jamiyat va hayotda muloqot qilish ko‘nikmalariga o‘rgatuvchi faol



o‘qitish uslubi sifatida tavsiflaydi.

Yuqoridagilaridan kelib chiqqan holda psixologik treningga qo‘yidagicha ta’rif berishimiz mumkin - trening ko‘p funksiyali bo‘lib, u inson fenomenlari psixologiyasini maqsadli o‘zgaritish yuzasidan guruh va tashkilotlar, insonning professional va shaxsiy muvofiqligini maqsadli o‘zgartirishga qaratilgan metoddir.

Trening mashg‘ulotining asosiy maqsadi: shaxsni psixologik (ruhiy) ozod qilish, bunda tabiiy erkinlikni his etishni, o‘z guruhida va undan tashqarida o‘zaro munosabat va aloqa o‘rnata olishdan iborat. Demakki, trening- shaxsda mavjud bo‘lgan yoki vujudga keladigan muammolarni hal qilish uchun zarur bo‘lgan bilim, ko‘nikma malakalarni hosil qilish maqsadida bahs-munozara, o‘yin va mashqlar orqali o‘tkaziladigan mashg‘ulotlar yig‘indisidir.

“Bebosh sharchalar” mashqi (30 daqiqa)

Guruh ishtirokchilari uch guruhga bo‘linib, 3 ta aylana hosil qiladilar va qo‘llarini ushlab oladilar.

Ko‘rsatma: Men hozir sizning guruhingizga havo sharchasini tashlayman. Vazifangiz tana a‘zolaringiz bilan (yelka, peshona, burun va boshqa) ularni yerga tushmaslik hamda aylanadan chiqarib yubormaslikka harakat qilish. Qo‘l bilan tegish mumkin emas. Dastlab, har bir guruhga bitta shar tashlayman, so‘ngra ularning sonini oshiraman. Eng ko‘p shar tutib turgan guruh g‘olib hisoblanadi.

“Aylana bo‘ylab to‘p tashlash” mashqi (30 daqiqa)

Ishtirokchilar aylana bo‘lib turadilar. O‘rtadagi bir ishtirokchining qo‘lida to‘p bo‘ladi. U o‘zi xohlagan ishtirokchiga to‘pni tashlaydi. U ham to‘pni o‘zi xohlagan ishtirokchiga tashlaydi. To‘pni tashlash vaqtida ismini yoki boshqa savol, tilak va shu kabilarni aytish mumkin.

Jismoniy tarbiya fani darslarida mazkur psixotrening mashg‘ulotlarni tadbiq etish orqali o‘qituvchilarni psixofiziologik jihatlarini rivojlantirishi bilan birga ularni sportga bo‘lgan qiziqishlarini ham oshirib borishga xizmat qiladi.

Umumta’lim maktablarining birinchi sinfdan boshlab jismoniy tarbiya dars jarayonlarida bolalarni sportga bo‘lgan qiziqishlarini aniqlash bo‘yicha quyidagi tartibdagi texnologik yondashuv tavsija etiladi.

1. 1-4 sinf o‘quvchilari qobiliyatlarini individual ravishda aniqlash.
2. Yaqin atrofdagi sport to‘garaklari haqida batafsil ma’lumotlarni ota-onalarga yetkazishi.
3. Jismoniy tarbiya ta’lim mazmunida o‘quvchilarni olimpiada sport turlari bilan tanishtirish.
4. 6-10 yosh xususiyatlarida jismoniy qobiliyatlarning tabiiy dinamikasida namoyon bo‘ladigan senzetiv davrlarga xos jismoniy sifatlarning rivojlanish xususiyatlarini o‘rganish.
5. Sport turlariga xos harakatlarning texnikaviy elementlarini harakatli o‘yinlar vositasida o‘zlashtirish.
6. Tabiatdan koordinatsion qobiliyatlar riojlangan iqtidorlarni, jismoniy harakat faolligiga nisbatan individual moyillikni aniqlash.
7. O‘quvchilar o‘rtasida turli sport musobaqalarini tashkil qilish hamda uning natijalarini matab miqiyosida tahlil qilish.
8. Har bir o‘quvchining psixik xususiyatlaridan kelib chiqib, ularni sport o‘yinlariga jalb qilishni yo‘lga qo‘yish.

Maktab amaliyotida mavjud bo‘lgan muammolarni o‘rganish jarayonida sotsiologik tadqiqot o‘tkazilib borilsa, bolalarni sportga bo‘lgan motivlarini erta aniqlanganlik asosida sport maktablariga yo‘naltirish ishlarida uzviylik ta’milanadi. Demak jismoniy tarbiya o‘qituvchilari bu vazifalarni yechishga qodir bo‘lgan yetakchi ta’lim sub’ekti sifatida

namoyon bo‘lyapti. Masalaga o‘zgacha yondashadigan bo‘lsak o‘qituvchi faoliyati bilan bog‘liq jismoniy tarbiya fani tizimidagi samaradorlik asosida o‘quvchilarning ota-onalari, o‘rtoqlari, yaqin kishilari, mustaqil imkoniyatlari orasida ijobiy bog‘liqlik mavjudligi sportga saralash faoliyatining teologik jarayoniga metodologik yondashuv masalalari vujudga kelishi kuzatiladi. Pedagogik kuzatishlar davomida boshlang‘ich sinf o‘quvchilarining sport bilan shug‘ullanishi istiqbollari (motivatsiya) o‘rganildi (sportga bo‘lgan munosabatlari). Olingan javoblar mohiyatiga ko‘ra ikki guruhga ajratish mumkin:

1. Sport faoliyati motivivatsiyasiga bevosita aloqador. - chiroyli, estetik harakatlardan qoniqish hissi; - o‘zgaruvchan vaziyatlarda o‘zini boshqara olishi; - imkoniyatini ko‘rsata olish orqali atrofdagilar e’tiborini qozonish; - nomdor sportchilarga taqlid qilish.

2. Sport faoliyati motivatsiyasiga bilvosita aloqador. - chiroyli kuchli sog‘lom bo‘lish; - ota-onalar xoxishiga ko‘ra.

O‘quvchilarni mashg‘ulotlar jarayoniga, o‘zining sport majburiyatlariga nisbatan munosabati, asosan unda avvaldan shakllangan mashg‘ulotlar va musobaqalarda ishtirok etish motivlariga bog‘liq bo‘ladi. Psixologiyada motivlar deyilganda, shaxsning u yoki bu ehtiyojiga bog‘liq va uning u yoki bu faoliyat turini bajarishiga sabab bo‘ladigan, uni shunga da’vat etuvchi fikrlari, intilishlari va tuyg‘ulari tushuniladi. A.S.Puni ma’lumotlariga ko‘ra, boshlang‘ich sinf o‘quvchilarda motivatsiyasining dinamikligi (o‘zgaruvchanligi) xususiyati ustunligi bilan ajralib turadi.

Xulosa qilib aytganda o‘quvchining jismoniy tarbiya fani darslarida qatnashishdagi motivlarini bilish o‘qituvchi uchun nihoyatda muhim o‘rin tutadi. Zero, ayni shu motivlar o‘quvchining mashg‘ulotlarga, oldinda turgan musobaqalarga, mavjud ish rejimiga munosabatiga ta’sir ko‘rsatib, uning sport bilan shug‘ullanishning maqsadini belgilab beradi. Binobarin, motivlar o‘quvchi mashqlarni nechog‘li aniq va mahorat bilan bajarishini ham belgilab beradi. Shu sababli ham, mashg‘ulotlar jarayonida o‘quvchilar faolligini oshiradigan, ularning kuch-quvvatini oldindagi qiyinchiliklarni yengib o‘tishga eng yuqori darajada safarbar eta oladigan motivlarni takomillashtirib borishi o‘ta muhimdir. Jismoniy tarbiya fani darslari orqali o‘qituvchilarni sportga bo‘lgan qiziqishlarini shakllanishi ularni sport maktablariga yo‘naltirish ishlarida o‘zviylikni ta‘minlashga xizmat qiladi.

Foydalilanilgan adabiyotlar ro‘yxati:

1. A.A. Pulatov Harakatni aniq ijro etishda vestibulyar analizatorining o‘rnini. Jismoniy tarbiya, sport va manaviyat. Ilmiy – amaliy anjuman materiallari to‘plami II jild., Toshkent, 1995.- s.52-54

2. J.A. Pulatov Sport psixologiyasi [Matn]: O‘quv qullanma. - Toshkent: “Umid Design”, 2021.-158 b.

3.J.A. Pulatov Jismoniy tarbiya fani o‘qituvchisining dars jarayonlarini tashkil etishida psixologik yondoshuvi. [Matn]: O‘quv qo‘llanma. - Toshkent: “Umid Design”, 2021.-113 b.

4.J.A. Pulatov Sportchilarni psixologik tayyorlash. [Matn]: O‘quv qo‘llanma. Toshkent: “Umid Design”, 2021. – 135 b